

錢塘沈紹勸撰

三三泰 乾下坤上 先天對待之卦也交京氏房曰坤宮三世卦

泰馬氏融曰大也鄭氏玄曰通也正月之卦也先天乾坤正位之始終

是乾在上坤在下也今泰者天處地位地處天位是三陽與三陰爻三

陰與三陽爻也今俗謂之天氣下降地氣上升惟泰而已 中爻互兌

互震 錯否 緜否

泰小往大來吉亨

內卦爲貞曰下曰內曰來外卦爲悔曰上曰外曰往今泰之卦體以合

先天之位內卦本坤也坤陰也小也今乾居之是三陰與三陽爻是來

者乃乾之大陽也外卦本乾也乾陽也大也今坤居之是三陽與三陰

爻是往者乃坤之小陰也泰否二卦天地爻不交之卦也天地之交即

周易易解

卷三

陰陽之爻也泰爲正月卦其卦體與先天卦位无一不陽與陰遇陰與

陽遇是通之至也否爲七月卦其卦體與先天卦位乾仍爲乾坤仍爲

坤是閉塞之至也泰否言包者有三細繹包字可悟物在天地之中由

包而消長中庸所謂天之所覆地之所載是也蜀才曰天氣下地氣上

陰陽爻萬物通故吉亨

案曰泰小往大來吉亨則是天地交而萬物通也上下交而其志同也內

陽而外陰內健而外順內君子而外小人君子道長小人道消也

天地爻指乾居坤位坤居乾位萬物通者言乾坤既交六卦則无一不

爻是艮居兌位坎居離位震居巽位離居坎位兌居艮位是

各卦之氣皆通故曰萬物通也乾上坤下先天之體今坤上乾下泰卦

外陰者外卦坤坤陰也健乾也順坤也君子陽也小人陰也道之消長
之用觀泰之爻仍在乾坤之中故曰其志同也內陽者內卦乾乾陽也
外陽者外卦坤坤陽也健乾也順坤也君子陽也小人陰也道之消長大來則道長小往則道消泰否二卦嚴君子小人之別君子者育人者
也小人者害人者也當泰之世君子進而小人退故君子道長小人道
消全象之意蓋能明天道之泰必能明人事之泰天人之際在通與同
二字而已矣

象曰天地交泰后以財成天地之道輔相天地之宜以左右民

荀氏爽曰坤氣上升以成天道乾氣下降以成地道今天地交其氣通

天地之氣通而人心始通后尊稱也乾爲君后之象財裁古通用鄭氏

支曰財節也輔相左右助也以者取其順陰陽之節爲出內之政春崇

寬仁夏以長春秋教收斂冬教養藏皆可以成物助民也其說是也輔

相左右指乾坤交六卦无不交之意

初九拔茅茹以其彙征吉○象曰拔茅征吉志在外也

初九變巽爲地風升三三巽爲木茹根也彙類也征進也拔茅茹者猶

卦也

周易易解

卷三

言拔茅而茹亦相牽引也當泰之世賢人彙征雖人君不能御誠必首

先用一大賢則天下賢人自然牽連而進如舜舉而五人並進是也變

巽入也上坤朋之象引朋謂引朋之同志也小象曰志在外也吉在外

卦也

九二包荒用馮河不遐遺朋亡得尚于中行○象曰包荒得尚于中行以

光大也

九二變離爲地火明夷三三乾包坤坤爲地荒者曠之形如八荒大荒

洪荒窮荒是也孟氏喜曰荒水廣也此爻包荒兩字足證古人已明地

圓之理變離則互變坎坎爲水河之象震爲足馮之象震足在坎川之

上故有馮河之象言乾之健也遐遠也言賢者在遠方亦不棄之引而

用之以安國家如天无不載求賢之切者也先天乾坤對待朋也今乾
變離在坤朋亡之象朋亡者无植黨之私則能用天下之賢變離明也

大人之心卽赤子之心无一毫私欲存于其間賢則用之不肖則去之而已尙王氏弼曰猶配也中行謂五言以二配五也今變爲離而離之光入于乾之大故小象曰以光大也

九三无平不陂无往不復艱貞无咎勿恤其孚于食有福○象曰无往不復天地際也

九三變兌爲地澤臨三三乾本坤也天氣下降地氣上升故小象曰天地際也際者天地之間也上坤坤爲地至平者也今變兌兌爲毀折毀折破之象地勢傾邪也變兌中爻互爲兩震震與乾在納甲乾納甲則復也故曰无往不復復在何爻在天地之間卽中爻是也今九三之喪天將盡而地未來故曰天地際也艱者指乾之屬言易以艱爲吉貞正也能艱貞故无咎恤憂也變兌兌說也故勿恤孚卽天地交也互兌兌爲口食之象互震震以恐致福也此皆保泰之道也

周易易解

卷三

三

周易易解

卷三

四

六四翩翩不富以其鄰不戒以孚○象曰翩翩不富皆失實也不戒以孚中心願也

六四變震爲雷天大壯二爻三翩翩者三陽爻三陰爻比接之狀也中爻互震今又變震爲動也亦翩翩之象坤厚載物富之象今變震則所載已動是不富也鄰者泰之中爻上互震下互兌先天卦位乾比兌坤比震皆鄰也不富以其鄰者言求賢以天下爲心不拘拘于其鄰也戒告也孚信也言其人接物待人出于誠心雖不告戒于衆而人亦信之也小象曰皆失實也凡易例陰爻不吉者有三二曰失中二曰違實三曰乘剛是也九三九四均有復象故曰皆九三陽變爲陰九四陰變爲陽皆有兌象兌爲毀折卦雖泰因變化失泰之實也中心願也中卽中爻也言鄰之中心所願者在孚不必以財相誘也

六五帝乙歸妹以祉元吉○象曰以祉元吉中以行願也

六五變坎爲水天需三三此歸魂卦也故以歸妹象之乾交坤而成坎合先後天乾坤坎離之大用揚氏雄曰一與六共宗是也故元吉上坤坤納乙上互震帶出于震故稱帝與坤合故曰帝乙下互兌兌爲少女故稱妹與歸妹六五爻辭同蓋泰之互卦兌下震上卽歸妹也左氏傳趙鞅卜救鄭一節有云微子啓帝乙之元子也則以成湯爲帝乙非鄭氏立以爻辰釋歸蓋五爻爻辰在卯卯仲春之月也是月嫁娶男女之禮福祿大吉是也祉福也歸者天地之大義男女居室泰之理也小象曰中以行願也中卽六五居外卦之中故也互震震爲足行之象六四之翩翩六五之帝乙因泰之候鴻雁來故爻以翩乙字形容之

上六城復于隍勿用師自邑告命貞吝○象曰城復于隍其命亂也

上六變艮爲山天大畜三三坤爲土變艮亦爲土艮山之象故曰城艮土在上而中爻震震動也又中爻兌兌爲毀折基不固之象墮者城

周易易解

卷三

四

下溝无水也孟氏喜曰有水曰池无水曰隍鄭氏立曰堅也意同城復于隍喻君爲不道人心已失也坤衆也師象變艮艮止也故曰勿用言人心已去不可行師也互兌兌爲口告之象命天命也乾天也自邑告命者告邑人以天命靡常泰極而否之理使邑人各修人事以挽回天

心故貞吝小象曰其命亂也亂治也如下詔辨已以收拾人心是也三三否 坤下乾上 先天對待之卦也不交京氏房曰乾官三世卦否閉塞也七月之卦也何謂閉塞先天天地定位否卦乾上坤下是天自爲天地自爲地其氣不通故曰天地不交 中爻互艮互巽 錯泰

綜泰

否之匪人不利君子貞大往小來

崔氏憲曰否不通也於不通之時小人道長故曰匪人君子道消故不利君子貞之匪人朱子曰或疑二字衍來氏知德曰否之者非人也乃

天也又否之匪人者天數君子貞人事其說本石氏介石氏曰否之者匪人也天也然與象不合坤下坤陰爲小人又中爻互艮艮爲閭寺小人所居之所也匪非也匪人小人之尤者也否之匪人否時之匪人

也若以天數解匪人則世亂之際一切政事之顛倒亡國敗家皆繇諸天數不必盡人事矣易雖重數數者无非明天地之化育而已數之善力行可也乃人事不能盡之亦惡也數之不善悔過可也乃人事能盡

之亦或可免禍戾世之否泰用人而已用君子則治用小人則亂故否泰一卦於用人再三致意孔子彖辭嚴君子小人之別而已

彖曰否之匪人不利君子貞大往小來則是天地不交而萬物不通也上下不交而天下无邦也內陰而外陽內柔而外剛內小人而外君子小人道長君子道消也

彖言往來大小上下內外陰陽剛柔君子小人消長詳見泰卦天地不

周易易解卷二

五

交下坤上乾是坤仍與坤遇乾仍與乾遇即不交也其餘六子兌仍爲兌離仍爲離震仍爲震巽仍爲巽坎仍爲坎艮仍爲艮是不通也无邦者邦固未嘗无也不過法紀蕩然如孟子所謂上無禮下無學庶民興喪無日矣之意耳故何氏妥曰无邦者言人志不同必致離散而亂邦國是也

象曰天地不交否君子以儉德辟難不可榮以祿

坤爲畜吝象卽坤之括箇之義艮止也故有辟之意難指否極之時也辟難卽辟小人之難也不可榮其身食其祿也否爲七月卦月令天地始肅卽不交之謂也

初六拔茅茹以其彙貞吉亨○象曰拔茅貞吉志在君也

初六變震爲天雷无妄三爻辭與泰卦同觀此可悟錯卦之理惟泰之初九曰征吉此曰貞吉亨其果不同所以嚴君子小人之別也此爻指

小人言故幼其貞也小人未始无才然有才而不貞是以才濟惡爾此爻以卦體取象凡陰在下者入之象人卽異也李氏鼎祚曰初六巽爻巽爲草木陽爻爲木陰爻爲草初六陰爻草茅之象也變震震動也互艮艮爲手動手以反拔之拔茅之象巽意氏遇作黃誤小象曰志在君也上乾乾爲君坤應乎乾故曰志在君言小人安知治平之道而其志猶知在君如食人之祿忠人之事貞也

六二包承小人吉大人否亨○象曰大人否亨不亂羣也

六二變坎爲天水訟三爻中爻互艮艮爲手承之象承者承上爻拔字言包字當與泰卦參觀之乾道包坤也否卦乾仍爲乾坤仍爲坤陰陽不交今變坎雖一陽居兩陰之間否義得通且坤之與坎先後天同位

也是小人之勢更熾或知引用君子以博厚名故六二之吉小人之吉也非君子之福也大人指九五官位尙未至也小人之吉卽大人之否

周易易解卷三

六

也大人處此之時防之以道以一種清明之氣以制小人否則朋黨之禍起矣小象言羣羣類也小人大人各有羣也不亂者大人不以小人之羣爲羣也

六三包羞○象曰包羞位不當也

六三變艮爲天山遯三爻此爻先後天同位之卦故辭遯遯者君子之德小人所不能也在君子遯時君子終不以爲否若與之爲羣受小人之奉承戶位素餐辱之至也羞作條解卽奉承之意包者乾包坤也

今變艮艮爲手有奉承意小象曰位不當也六三雖係艮之正位然由變而來又在三陰之內是君子與小人爲伍故曰不當

九四有命无咎噬離祉○象曰有命无咎志行也

九四變巽爲風地觀三爻先後天同位之卦也變巽巽爲命上乾爲天有命有天命也先後天同位故无咎嗜離祉荀九家嗜類也離

附也祉福也此當時之人切望君子深矣言君子天命所歸必能獲亂
反正无咎者言不爲小人所害也疇離祉卽水錫爵類之意是君子出
否將去而爲泰人民共受其福也小象曰志行也志者指先後天同位

言行者行君子之道也否之時其爻爲君之時乎此爻之情如周人之

希望文王也

九五休否大人吉其亡繫于苞桑○象曰大人之吉位正當也

九五變離爲火地晉三釋見繫傳下第五章休否吳氏澄曰人依木

傍以息曰休互巽爲木人情厭亂冀得休息九五陽剛中正之大人如

木有庇陰可依以休息于否將變之時也解得最確大人吉當與六二

爻合觀之九五陽剛中正之位乾之九五利見大人是也大人具拯世

之心必能救民于水火之中使世運復爲泰道此大人惟文王可以當

之其亡繫于苞桑或紂之時民間歌謠之辭而周公引之官否則

周易易解 卷三

一七

必休也上互巽巽柔木也柔爲柔木故詩謂之柔柔草木叢生曰苞苞

古通包弱而不能繁物巽爲繩直繫之象變離則互變爲坎坎險也繫

于險亡之道來氏知德以國家之大不繫于磐石之堅固而繫于苞桑

之柔小危甚也義合小象言位正當也八卦正位乾在五今此爻九五

陽爻其位正當干氏寶引京房說以桑有衣食人之功喻聖人亦有天

留地載之德其說未免拘泥

上九傾否先否後喜○象曰否終則傾何可長也

上九變兌爲澤地萃三三否極必泰上九居否之極故曰傾變兌兌爲

毀折傾之象又兌說也喜之象小象何可長也言小人之道何可再長

者也故侯氏果曰傾爲覆也否窮則傾矣傾猶否故先否也傾專則通

故後喜也長者久也

三三同人 離下乾上 先後天同位之卦也京氏房曰離宮屬魂卦

雜卦傳同人親也 中爻互巽互乾 上錯坤下錯坎 緯大有
同人于野亨利涉大川利君子貞

天之卦乾也地之卦坤也惟人无卦然人非无卦也六十四卦无一不

爲人事言人在天地之中苟能德合天地始成人之道同人卦體先天

之乾卽後天之離其位同也故合之人事皆與人同也與人同者卦先

後天同位故曰同同則中正和平无私欲之心邪僻之行乾天也所包

者廣離火也所照者明乾爲郊野之象國外百里爲郊郊外曰野同人

初九于門六二于宗上九于郊今卦辭曰于野言由國而及于天下也

九三伏戎九四乘墉言彼之人有害于我同人者也九五之先號咷而

後笑言雖有有害于我之人我以同人之力禦之強不同而使之同也

言野者廣大而无不通乾德之大也離爲目見之象同人于野其德

充塞于天地之間人目皆能見之也離具心象故亨利涉大川下離離

周易易解 卷三

一八

中虛舟之象上乾健也乾行健中爻互巽巽爲風舟行遇風利涉之象

上錯坎坎險也是出險矣程傳以至誠无私釋卦辭則貞自見君子之

貞則通天下之志而一之也故淮南子曰至德者言同略事同指上下

一心无歧道旁見者遇揚之于邪開通之于善而民鄉方矣是也

彖曰同人柔得位得中而應乎乾曰同人同人曰同人于野亨利涉大川

乾行也文明以健中正而應君子正也唯君子爲能通天下之志

柔陰爻也二爲離之正位故曰得位得中應乎乾應乎乾之九五也同

人曰郭氏京剽此三字朱子本義亦以爲衍文虞氏翻不作衍文王氏

弼注將同人曰三字表而出之極有見地因同人于野其精神與諸卦

異也離麗也文明之象乾健也故曰文明以健中正指九五六二皆得

位官應指二五言也君子正者言君子立天下之正位大公无我待人

接物不囿于一隅以天下之志爲志則志始通唯君子能之乾離先

天同位通也

象曰天與火同人君子以類族辨物

天乾也火離也荀氏爽曰乾舍于離相與同居故曰同人也荀氏此說不獨先後天卦位可明而同位之理亦可知也同人者卽聖人之心以天下爲一家中國爲一人是也類族者離本乾體坤再索而成離故後天之離位先天之乾乾之歸遊入離離爲歸遊入乾類族也言蠻夷戎狄之人雖非中國之人然其禮教有合于我者亦我類族也卽中國之人有悖于禮教者亦非我類族也故類族在辨物辨物辨其禮教也因離爲亨德嘉會合禮是辨物也同人與否義相反世方否于是人相羣以除暴君汚吏同人者世已太平視天下之族皆吾類也惟除害人之人而已

初九同人于門无咎○象曰出門同人又誰咎也

周易易解

卷三

九

初九變艮爲天山遯二三變艮艮爲門闕門以內一家之事也同人之卦以天下爲心去公私之別今曰于門乃私事也因變艮先天之艮卽後天之乾先後同位而不出位一家之事而已小象曰出門指去人我之見故无咎

六二同人于宗吝○象曰同人于宗吝道也

六二變乾爲純乾二三虞氏翻以乾爲宗宗宗黨也于宗雖較一家爲廣然猶未能及于天下所識者小故吝先天之乾卽後天之離今離復爲乾是一系統也故曰于宗小象言吝道非大道之意

九三伏戎于莽升其高陵三歲不興○象曰伏戎于莽敵剛也三歲不興安行也

九三變震爲天雷无妄二三下離離爲戈兵戎之象離錯坎坎爲隱伏伏之象莽鄭氏玄曰豐木也變互巽巽爲柔木莽之象故曰伏戎于莽

變震萬物出乎震離爲日升之象又巽爲高變離中爻互變艮艮爲山陵之象故曰升其高陵下離離數三故曰三歲崔氏憮以一爻爲一年非的論也項氏安世曰凡陽卦稱歲陰卦稱年興起也震之象然中爻變艮艮止也故曰不興離變震先後天同位也而上乾非其類于是疑生焉疑則忿忿則爭端啓小象言敵剛敵乾之剛也言安行孔疏安何也何可行也

九四乘其墉弗克攻吉○象曰乘其墉弗克也其吉則困而反則也

九四變離爲風火家人三三乾爲馬乘之象下離離中虛外圓墉之象變巽爲高亦墉象也弗克攻同人之卦上乾下離火金相克故曰克克勝也今變巽與乾對待又巽爲木以乾金害之則火金不能相害故曰弗克攻家人之卦正家而天下定家能自正則外來之寇孰能侮之蓋人情同極必異巽極乃復同其異同莫不出于疑能去疑則有信是同

九五同人先號咷而後笑大師克相遇○象曰同人之先以中直也大師相遇言相克也

九五變離爲重離二三釋見繫傳第八章易言先後皆言先天後天先天之乾比巽今互巽巽爲命號令之象故曰先號咷後天之乾比兌今變離所互之乾又變兌兌說也又爲口笑之象故曰後笑變離離爲甲胄戈兵師之象乾大也故曰大師克相遇者離離復本位故曰相遇然金火相害故小象言相克也中直者九五得位故也此言人不修德則同室操戈人能修德雖有不同之人亦能使之同也

上九同人于郊无悔○象曰同人于郊志未得也

上六變兌爲澤火革二三卦辭言于野此言于郊野在郊之外言在郊

其人之心猶不出百里之外未能全去其私乾爲郊陽在上止之象故止无悔非亨道也小象曰志未得也晉尙未能通天下之志也

二三六有 離上乾下 先後天同位之卦也京氏房曰乾宮歸魂卦

大陽也火在天上无所不照故曰大有 中爻互乾互兌 下錯坤上

錯坎 緯同人

大有元亨

姚氏說曰互兌有兌兌爲澤位在秋也乾則施生澤則流潤離則長茂

秋則收成大富也有大有則元亨矣大有先後天同位故辭簡序卦曰物必歸焉歸于原位卽歸魂是也雜卦傳曰大有衆也元者乾下

大哉乾元之元也亨者離上火性炎上故亨

彖曰大有柔得尊位大中而上下應之曰大有其德剛健而文明應乎天而時行是以元亨

周易易解 卷三

十一

六居五不言得尊位者五本九所居之位也今六居之故貴也大中者卽五爻也上下應者物歸于衆也如堯舜之禪讓湯武之革命皆歸于衆也德卦德也剛健乾也文明離也一柔而應五剛柔得尊位而陽應之陰能有大也應天者日照天上也時行四時之錯行也

象曰火在天上大有君子以遏惡揚善順天休命

火離也天乾也火在天上明之至也辨善惡離之明也能遏揚乾之健也順天休命亦乾象也卽應天時行之意故荀氏爽曰謂夏火王在天

萬物並生故曰大有也

初九无交害匪咎則无咎○象曰大有初九无交害也

初九變巽爲火風鼎二三此爻當與鼎之初六參觀之大有下卦爲乾乾天也鼎初爻爲巽巽爲長女老父長女妾之象也語見鼎之初六因離乾先後天同位爻也變巽巽與乾對待亦爻也未變則火金害也既

變則金木亦害也然卦體究爲同位對待同位則氣和對待則氣感雖交害亦无交害故曰匪咎匪咎則艱易例艱爲吉艱則无咎小象曰大有初九大有時也初九位也時位如此故无交害

九二大車以載有攸往无咎○象曰大車以載積中不敗也

九二變離爲重離三三乾錯坤坤爲輿車之象乾大也故曰大車變離離中虛虛中能容物故曰載以載者用以載也有藉也攸久也安也往進也藉大車以久進喻君子自強不息之至意小象曰積中不敗也積是充積之意中者九二中位也大車中能容物故不敗喻君子能修德虛中納下衆材輻輳以任天下之重合大有之時也

九三公用亨于天子小人弗克○象曰公用亨于天子小人害也

九三變兌爲火澤睽二三離爲公說文公平分也離中虛平分之象乾爲天子亨京氏房曰歎也卽朝歎也乾爲金爲玉爲良馬離爲龜皆朝

周易易解 卷三

十二

歎之物也左氏傳卜偃以亨爲享古文亨矣享同小人指變兌言兌爲毀折爲口舌爲妾皆小人之象左氏傳僖公二十五年晉文公筮得此卜偃曰吉遇公用亨于天子卦戰克而王亨吉孰大焉且是卦也天爲澤以當日天子降心以逆公不亦可乎克勝也弗克者不能勝任之意言小人之徒但能容悅事君如征伐大事非君子之德不足以當之也小象言害因大有乾與離遇火金本相害害有克之意今變兌兌爲澤水之象水之氣以制火何能害

九四匪其彭无咎○象曰匪其彭无咎明辨哲也

九四變艮爲山天大畜三三彭子夏傳作旁孟氏喜作延王氏肅曰壯也干氏寶曰亨盛滿貌詩出車彭之彭同變艮艮爲山山多寶藏畜之大者也艮乾先後同位畜之極者也故彭者言其盛也此冒大有之世君子有大有之德始能亨大有之福然德不足以當之雖彭亦何益

故曰匪然艮止也知其德不足以當此能止其彭故无咎小象曰明辨哲也卽明哲保身之意

六五厥孚交如威如吉○象曰厥孚交如信以發志也威如之吉易而无備也

六五變乾爲重乾三三離以中虛爲孚變乾與離先後天同位之卦也故曰交如離爲日變乾日照天下光曜四方故曰威如乾爲君此言爲君能以威信及民則吉小象曰信以發志也信卽孚也發者施也離爲火發之象志者心之所至也離乾先後天同位其志同也易而无備也易卽易也无備者卽无爲也易无爲者卽威信之來由人心之相感而來非出于有爲也卽繫傳易无思也无爲也意同

上九自天祐之吉无不利○象曰大有上吉自天祐也

上九變震爲雷天大壯三三釋見繫傳第十二章易則上爲天祐助也

周易易解 卷三

十三

自者從也言上九之吉由六五而來也變震震爲足行也言能躬行實踐

踐六五厥孚交如威如之理則天无不祐也小象曰大有上吉與初九之大有初九意同凡爻言卦名者指時也言爻名者指位也上爻言天此爻外如頤之何天之衝明夷之初登于天中孚之輸音登于天皆无乾象是易例以上爲天也

三三謙 艮下坤上 後天對待之卦位也京氏房曰兌宮五世卦

謙雜卦傳輕也 中爻互坎互蹇 上錯乾下錯兌 緯豫

謙亨君子有終

山高而居地下謙之象互坎坎之卦辭曰有孚惠心亨終者下艮也說

卦傳終萬物始萬物莫盛于艮而坤在先天之末亦終也大有之世以

堯舜湯武體之矣然丹朱之不肖舜之子亦不肖史夫言一人之惡所謂不肖者惟不謙而已不謙則亡國桀持其多力用其虎視盛軍伍立

兩億官謂天父亦一有爲之主也紂賛辨捷疾聞見甚敏材力過人手格猛虎異能也皆不知謙而亡故說苑周公戒伯禽曰有一道大可以守天下中可守國家小可以守其身謙之謂也故謙爲美德六爻无吉悔吝吉也重言君子者因小人但能一時之謙不能如君子終于謙也象曰謙亨天道下濟而光明地道卑而上行天道虧盈而益謙地道變盈而流謙鬼神害盈而福謙人道惡盈而好謙謙尊而光卑而不可踰君子之終也

坤錯乾天道也中互坎坎爲水濟之象互錯離光明之象地道者地道也地承天而行故曰上行曰下濟曰卑皆指謙也盈坎象也流亦坎象也錯乾則互變爲離離中虛虧之象虛補不足故曰益如日中則昃月滿則虧是也上坤則互坎坎中滿盈之象然其盈由中爻而來故曰變也如山崩水竭是也中爻坎鬼之象坎錯離神之象害者如高明之踰之象也

周易易解 卷三

十四

家鬼瞰其室是也若能謙則日增其美卽其人之福也人道者爲人之道也人道則滿招損謙受益是也學業无止境道德无已時隨時存不

足之心不矜不伐不獨衆人好之而一己亦泰然矣尊而光山出地尊也光者艮之象曰其道光明卑指地言踰者艮爲徑路互爲足足動踰之象也

象曰地中有山謙君子以袞多益寡稱物平施

地坤也山艮也荀九家易山至高地至卑以高下卑故云卑也袞朱氏

震曰袞苟鄭諸儒讀作擣取也字書作培艮爲手培也袞多益寡卽損多益寡也稱物者量其人材之大小權事之輕重而用之平施者博施濟衆視人類无高下不可稍有等次之心平之謂也

初六謙君子用涉大川吉○象曰謙謙君子卑以自牧也

初六謙謙君子用涉大川吉○象曰謙謙君子卑以自牧用以

下载无水印完整版

请点击



【百万古书籍】

<https://www.fozhu920.com/category/article/>

【易】【医】【道】【武】【文】【奇】【画】【书】

打包下载





- 【风水】风水命理资料合集 9500 本

如果你是风水爱好者、如果你想快速学风水入门、如果你想成为命理测算大师、

如果你是传统文化收藏者.....



- 【中医】中华传统医学资料大全 15000 本

【书】15000 册：针灸、擒拿、正骨术、汉医、苗医、民间秘方、偏方、养生、

药酒药方、祖传医术、珍本...



- 【道术】道家法术\茅山术\符咒术\气术资料合集
3000 套

【道家法术】3000 册：修真秘籍、丹道、道家秘术、胎息功、内丹术、茅山法术、道家符咒、巫术、...



- 【武术】传统武术与现代搏击术 6200 册

【武功秘笈 电子书】6200 册：少林、武当、太极拳、形意拳、八极拳、咏春拳、气功、散打、格斗、拳击、...




- 【集藏】经史子集库 13300 卷

【经史子集】楚辞、汉赋、诗集、词集、剧曲、话本、演义、宝卷、正史、编年、别史、纪事本末、地理志...



- 【国画】传世名画 6100 卷

收藏：战国、晋、北齐、五代、隋、唐、金、辽、宋、元、明、清、近现代等 800 多位画家近 6000 多幅传世...



- 【县志】方志\地方县志\乡志\地理志合集 8100 册

全国【地方县志】府志、区志、乡志、地理志..... 此合集为全国范围

地方县志\府志古籍影印电子版，...



- 【国学】中华古籍库—32 万册古籍书

32 万册《中华古籍库》【32 万册影印古籍 + 20 多亿字，带检索

器和阅读工具】 包括各地方志、日本内...

还有更多 >>

<https://www.fozhu920.com/category/article/>